

2 Tesalonaika

Pâlaŋ Tesalonaika am ekŋengat zapat meluwaŋ kapi kume sek zut beye

Pâlaŋ zapat meluwaŋ kapi ewe dapmelange sekem kwep ekŋengat kuye. Egaŋ am notnaŋ ekŋenmagen nâmyuŋguŋuŋ notnaŋ tage keyepmti zapat meluwaŋ kapi ewe kuye. Pâlaŋ msat sekam kwewegak tati zapat meluwaŋ kapi kuye.

Zet ŋotekŋaŋ kegogak sekam kwewegak. Zisasiyaŋ gilik zem msalen kokotnaŋgalen zetnaŋ. Setnaŋ zigok kopbe ma katnaŋ zigok mbe keyet zetnaŋ kuye. Pâlaŋ nângeen egaŋ ewe alik tapmame Zisasiyaŋ sakwep penaŋ kokotgalen e nâmtiyepmti zapat meluwaŋ kapi sakwep kan teepmaŋ ewe ku mepme kumindaye.

Zet ŋotekŋaŋ temaŋ kapigogaŋ 2 Tesalonaika zapat meluwaŋ keŋan talip:

- 1 Zet yaŋbemti zenzeyelen zet notnaŋ ma am mukumindedeyelen zet.
- 2 Zisas gilik zem kosâpmgat weyaŋeksemte tabep.
- 3 Zet notnaŋ mukulem mimiyelen zet.

1 ¹Neŋmak Sailasmak Timoti nin Kawawaŋ Bipm ma Amobotnaŋ Zisas Kilais egalen maŋge Tesalonaika mka temanen matalip ingat papia kapi kumti beman kozin.

²Kawawaŋ Bipm ma Amobotnaŋ Zisas Kilaisiyaŋ keŋ taoletmak keŋ sewakŋaŋ indandayelen nâmti dunduyap.

**Kawawaŋaŋ mama mimi nnangat sepemaŋ nâmti
keyet kataŋ dopmaŋ mutumndawe**

³Notnne, nin ingat mti kan kataŋ Kawawaŋgat dundumti wisikŋ manzenup. E ingalen nâmkŋpepeŋinaŋ omba tasamein ma ilinagak ŋenaŋ ŋengat keŋin beme keyaŋ kegok omba tabeingapmti ingat mti kogok mmann ŋep mambein. ⁴Âpme in amnaŋ sisipeŋpeŋ mimndame sek sindem palen olat olat mamti kileŋ nâmisim mamti nâmkŋpepeŋin atam kili kili mti mamaip. Keyet nin nâmann mopme keyet zapatnaŋ mka kataŋ Kawawaŋgalen am maŋge sambe mandiindo metnup.

⁵Kawawaŋaŋ in ŋep penaŋ egalen zemâtâtât katnaŋ mamayet kukŋaŋgat ombemindeyeen yaŋaŋ msokbembe elak kapigok: in sek sindem matimkwalip keyaŋ ku mtotindeye in nâmisim mame Kawawaŋaŋ ingalen mama ke ekti indaombemindendeŋaŋ ke teŋ penaŋ soksoke mak. ⁶Âpme am in sek sindem maindaip ekŋen Kawawaŋaŋ yomin keyet kataŋak nâmtati sek sindem dopmaŋ indame tiwep. ⁷Yaŋgut egaŋ in ma nin sek sindemengatanan kwaletndeme sewakŋaŋ mambanup. Kegok ke Amobotnaŋ Zisasiyaŋ kululuŋ keŋangatnan enselŋane windeŋin ombamak ma taŋam balem keŋan patan pemti kosâpm kan keyet sokbewe. ⁸Ke koti egaŋ am Kawawaŋgat makandapeip ma Amobotnaŋ Zisas Kilaisiyelen Zet Zapat Dolakŋaŋ Penaŋgat wisat mti ku maŋgawepup ekŋen dopmaŋ bekaŋaŋ omba mutumindasâpm. ⁹Am ekŋen keboŋ keyaŋ tosaŋin teziŋ ŋandaŋ delaŋ zenzepiŋ tiwep. Âpme Amobotnaŋgalen mundum windemak matazinen elemiak ego egoŋaŋmak keyetnaŋ kalaŋ indeme ilinak beŋan penaŋ meti mambep. ¹⁰Âpme Amobotnaŋgalen kokot kan keyet Kawawaŋgalen am ŋeneyaŋ sesewatsawep ma am nâmkŋiŋpepemak ekŋenaŋ nâme mobotnaŋ beme dundumsawep. Âpme in nin Kawawaŋgalen Zet Zapat Dolakŋaŋ Penaŋ diindomann nâmti in penaŋ sukwep nâmkŋiŋpewiengapmti in kegogak mbep. ¹¹Kegok mme nin Kawawaŋŋnaŋ mme ingalen mama mimiŋinangat kataŋ iŋaŋaŋ bemti indakumtetiyeen ke penaŋ keyet keŋan mamobotgalen mene mene mandundunup. Yaŋ Kawawaŋaŋ nâmti winde indame in am sambe set ke ma ke weyaŋindendeyelen manâyaŋ ma in Kilais manâmkŋiŋpeipgapm muluwin weyaŋti mmane mdelaŋ zenzeyet mandunduyap. ¹²Mme in Amobotnaŋ Zisas egalen kwitnaŋ mmot pemti sesewatsawep ma egaŋ in kogak mmotindewe. Ke Kawawaŋ ma Zisas Kilais egetgalen keŋ taolelidangalen penaŋangat kegok mimindandaŋaŋ keyet mene mene mandunduyap.

Kilaisiyaŋ kosâpmme kapigok sokbewe

2 ¹Nâmkŋiŋpepeen notnne, neŋ ingat wekuyawen kapigok: Amobotnaŋ Zisas Kilaisiyaŋ kan kosâpmnen Kawawaŋaŋ nin Kilaismak ondekndeme tabanup keyet nâpeŋ talit. ²Am notnaŋaŋ Amobotnaŋgalen Kan kokogat zenzeŋaŋ ilak koge. Pâlaŋ kogok zeme nânzemti zeip keyaŋgut zet ke penaŋ yek. Golaŋ zenze an zet ŋen zenzeŋaŋ mene keyet zeye keyaŋgut zet ke dâsuki. Ma Zet Zapat Dolakŋaŋ Penaŋmageset zeyeen mene keyet zeye ma papia ŋen kuyeen keyet zeye mene zeme nâmnukŋaŋ mimipiŋ. Zet ekŋen ke dâsuki etaŋ. ³In am notnaŋaŋ Amobotnaŋgalen Kan koge tetimaemaeset zeme keyet nâme penaŋ ku bewe. Amobotnaŋgalen Kanaŋ kokogalen ewe ku sokbeme amnaŋ kukŋaŋgat kasa ŋenzinziŋ Kawawaŋmak mbep keyaŋ kasa notnaŋ ââŋaŋ ke omba penaŋ sebemindewe. Ma an bekaŋaŋ penaŋ teziŋ ŋandaŋgat

zapat mamain egan kegogak sosok sokbemkawan bewe. ⁴Mti egan Kawawangalen sesewat mka temanen motati, “Nej kawawan,” kegok zewe. Ma egan Kawawan ma nopiom notnangat nâme mobotnan mambein ekjen ke kegogak kasa etan mimindawe. Mti egan iknangat kwizet buḡaman mimwati kwitnan kwitnan sambeyet windenjin mtopemâbe.

⁵Nej ingat tunguwinan mamti zet kapi mandindomteman ke keninan tazin ke in ɲep nâmtâlip. ⁶In kegogak nâip alak kapi Kawawan an bekanan penan ke yanangmak peme bekanangat mulupman omba ku tapm. Yalak maneti Kawawan kasa teman msokbembeyelen kanan saye ke sokbeme egan bekanangat mulupman omba mbe. ⁷An bekanan penangalen mulup enzililijan Kawawangalen zii zet mamtotpein kelak yanbemti mulupman mamin keyangut bamgat nuknan zigok penan sokbembeyelen ke ewe sokbembepin tazin. Tapmotnepeme Kawawan zemkulumpeme tazin ke pilik pemti nâmpeme bekanangat mulupman mkawan bemti sosok omba penan mbe. ⁸⁻¹¹Egan kenin walatme zet penangat kenin beme Kawawan indagalalangalen ku nâwiengapm an bekanan penan ke Sadanan ɲenan bempemti winde sepem igak igak same am indatetim indemti egan mulup windenamber mti mulup mamanan manap sepeman igak igak mbe. Mme egan tezin ɲandaeset walelegat tapmâlipmagan omba penan tetimindewe. Am eknenan kegok mamip keyepmti Kawawan amgat kenin myungume amnan an tetimaemae tonan egalen zet dâsuki ɲen “Nej kawawan,” manzein ke manâmkipeip. Kegok mme an bekanan penanan sosok sokbem kawan bewe yangut nanan Amobotnan Zisasiyan koti an bekanan ke busatnanangat sangga songanganalen windenanan ome windenan suknan beme zeweleananan kume gakiwe. ¹²Kegok mme penananglak am zet penan ɲoteknan bamkumpemti kwitnan kwitnan bekanan mimiyet tiknan etan manâip ekjen ke waleletgat zapat bewep.

In nâmkipeepen katiknan bemtabep

¹³Notnne, Amobotnanan ingat nâme tiknan penan mambein. In am Kawawan iknangat zapat tipman baenen angalanindendeyelen nâmti ombemindeye. Emetak Tengat windeen ma in zet penan ɲoteknan nâmkipeeme keyan in indabumkomti musuwepme Kawawan iknan nembon tej bewep. Keyepmti nin ingat Kawawan kan katan wisikn manzemsanup. ¹⁴Keyepmti nin inmagen Kawawangalen Zet Zapat Dolaknan Penan diindowennen keset nâmkalin beme Amobotnan Zisas Kilaisiyelen am bemti mama ego egojanmak ilinsakwep timti Kawawangat ɲenzimosetnan mamayet indaombemindeye. ¹⁵Kegogapm notnne, nin zet penan nâmtimti ke naman belak dembusegan ma papiaeset zet zemzikat indammebenn e in weyanṭi kakanemuṭ timti kalinan bemti tabep.

¹⁶Mme Amobotnaŋ Zisas Kilais ma Kawawaŋ Bipm ek ilidangat keŋ taolelitdaŋgapmti ingat gogot mamilup. Ke zikat ndamti bamgalen webembe dolakŋaŋ ma bamgalen keŋ wawat ke ndawun. ¹⁷Nin keyepmti Ek ma Amobotnaŋ Zisas Kilais dundum idamann ingat keŋinan egelaŋ mulup mmalu egaŋ keŋin mme wawagalen ma kwitnaŋ kwitnaŋ sambe in mamip ma zet manzeip keyet gwatnaŋ mimindendeyelen mandundunup.

In Kawawaŋaŋ ndamukulem mimiyeŋ dunduwep

3 ¹Nâmkinpepeen notnne, nin zet kapi zemdelan zemann nâit. In Kawawaŋgat dundume egaŋ ndamukulem mimndeme Amobotnaŋgalen zet zemann keyaŋ msat kataŋ sakwep palakŋaŋ beme kwizet buŋamaŋaŋ mwatonzewep keyet sakam ingat tunguwinan sokbeye keboŋ. ²Am sambe ilindiŋ Kawawaŋgalen Zet Zapat Dolakŋaŋ Penaŋ ku nâmkinpeipgapm am notnaŋ ekŋen am bekaŋaŋ mamti nin ndawaleetgalengapm in Kawawaŋ dundum same egaŋ nin mukulem mimndemti ndagalaŋ ndewe.

³Amobotnaŋ egat in keŋ zutmak ku mimiyeŋ egaŋ ŋep mukulem mimindewe. Egaŋ winde indamti indikdamuŋ mme an bekaŋaŋ penanaŋ ku indawalebe. ⁴Amobotnaŋaŋ ndamukulem mme nin zet diindowenn ke gawepupeŋ mamti mamobep kogogapmti nin ingat nâmtemtem ku mamnup. ⁵In Amobotnaŋaŋ nânâ omba Kawawaŋgalen gogotnaŋgat indain ma Kilaisiyaŋ mme in keŋin mgwatnaŋ mimindeme nâmisim mamobepgat mandundunup.

Am wisat toŋ ekŋenaŋ mulup mbep

⁶Notnne, Amobotnaŋ Zisas Kilais egaŋ kwitnanen golaŋ zet pigok zemann nâit, zet zemzikat indam mben ke am notnaŋaŋ ku gawepumti belak kilen mamti mulupgat nânâpiŋ mamip. In an ekŋen keboŋ kemak notn notn ku mbep. ⁷Nin eweŋaŋ yaŋbemti set katnaŋ zikat indamâbenn set keeset nâmti mebegat ku kandalip. Set ke ewe mâbep. Nin eweŋaŋ inmak mambennen nin wisat palen ku mambenn. ⁸Inmagatnaŋ meu tosaŋaŋpiŋ belak ku nimbenn. Yek. Nin tu meuyet ingat wekumann in nukŋaŋ tiwiekmagengapmti nin tambu msa mulup windenaŋben mti keyetnaŋ sek bandim mimiyeŋ mukulem aikbenn. ⁹Wa nin tu meuyet in ŋep ku indayaŋkwesisiyelengapmti kekok mbenn yek. Nin set keeset set katnaŋ ke zikat indamann in ningalen mama mimi ke ekti keyegak mâti mamayet nâmti kekok mbenn. ¹⁰Nin inmagen mamtemennen ingat kapigok diindowenn, “An mulup mimipiŋ wisat mti mambe beme ek meu ku same nimbe.”

¹¹Âpme inmagatnaŋ zet pigok kopme nâwenn, “Am notnaŋ ekŋenaŋ mulup mimipiŋ belak wisat mmamti zet belak belakŋaŋ e

zeme tikŋaŋmak etaŋ beme zetetek manda maip.” ¹²Am ekŋen keboŋ keyet Amobotnaŋ Zisas Kilais egat kwitnanen zemkatik benti golaŋ zet pigok zemann nâit. Ekŋen weyaŋ tomtati muluwin mme penaŋaŋ sokbeme keyetnaŋ timtati nimbep. ¹³Notnne, in mulup yaŋaŋmak mamip ke esemteŋ mti mimiek mbep; katikpepepiŋ. ¹⁴Zet papiaen kumti indanup kapi an ŋenaŋ ku gawepun beme eksempeme igak penaŋ mamti sakambuk penaŋ mbe. ¹⁵Wa ke ek kasa penaŋ nâmppepyet ku zeyap. Naman ek nâmkĩŋpepe angapm golaŋ zet dalinaŋ meniŋinaŋgat manzepnok zewep.

Zet zemdelan zenze zet

¹⁶Nin ingat Amobotnaŋgat dundumann ek ikŋaŋ keŋ sewakŋaŋ toŋaŋaŋ in keŋ sewak mama ke kan kataŋ indawe. ¹⁷Neŋ Pâl meluwaŋ kumindayap kapi nanaŋgat betn penaŋaŋ kuyap. Mme papia sambe makuyawen kapigok betnaŋ meluwaŋ makumdelan zeyapgapmti kapi kuyap. ¹⁸Amobotnaŋ Zisas Kilais egalen keŋ taolelaŋ inmagen weme in keyet keŋanen meti mamayet dunduyap.